

夷俗記二卷

明 蕭大字撰 [清] 順治三年宛委山堂刻

[清] 順治三年宛委山堂刻本《說郭續》* * * 十一

夷俗記

夷俗記卷上

泰安蕭大亨

匹配

夷中嫁娶惟以兩姓相懽男女年相若者遂爾配合烏暗所謂媒妁哉其聘儀則取牛馬諸畜近亦知具幣帛以貧富而豐儉其數其成親則婿往孀家置酒高會先祭天地隨宴諸親及孀家預置一帳房豎於所居之側如貳室然宴畢諸親及皆已散去時將昏矣孀則乘騎避匿於鄰家婿亦乘騎追之獲則挾之夷俗記

同歸孀家不然即追至數百里一二日不止也倘追至鄰家婿以羊酒為謝鄰家仍贈孀以馬縱之於外必欲婿從曠野獲之其至孀家也諸孀女擁抱推送入幕中婿與孀將羊骨互相捧持然後交拜天地孀之裘衣必以馬尾雜雜繫之固婿以小刀斷之其始配如此貧者則隨意資送同歸婿家矣歸時孀披長紅衣戴高帽孀女前導至幕中孀持羊尾油三片對甕三叩頭即以油入甕焚之與祭竈無異次則拜公姑伯叔母仍各送一衣似亦為贄然亦終避匿不相

見別嫌不親授受未嘗以蒸報聚麀而廢也至虜王
及諸台吉家其俗大抵相同特無嬪避婿追之事然
台吉之女成婚之日若嬪不命婿人婿不敢遽入也
既婚後婿在嬪家必俟產育男女始歸其歸也所贈
嫁儀若帳房若馬駝若衣服男女奴僕之類輒以數
百計其酋長之婿各備不浪女名啞不害此兩家者
世爲婚姻其有夫妻反目別娶有妾者婦家廉知之
卽竊入其幕殺其所娶之妾盡驅其馬駝以歸若嬪
不悅夫則隨其所欲嫁夫亦恐不敢言也若台吉之
夷俗記 八 二

生育

夷人產育男女不似我中國護持產時卽裹以皮或
以氈越三日方洗洗畢仍裹之如前是日椎牛置酒
召親戚鄰里一山會飲各口米喇兀產母初產時卽飲

食如常不避風寒卽所產之孩亦不避風寒母亦不
甚懷抱兒饑則乳孔飽則以搥車盛之置於帳之內
或帳之外如晁錯所稱風雨罷勞饑渴不用中國之
人弗與也蓋自孩提而然哉產時仍有姬收生兒脐
帶以箭所之無論男女產畢俱懸紅布并腰刀於門
上與懸弧結悅相似

分家

夷人分折家產大都厚於長子及幼子如人有四子
伯與季各得其二仲與叔各得其一如女子以聘人
而未嫁者遇父母歿亦得分其家產以歸若已嫁之
女不過微有所得耳至夷人有絕戶者凡家產俱入
所管之台吉其妻亦給別夷若有恩男義子曾報名
於台吉及應差者卽得其家產如故不然則毫無所
得也

治姦

夷俗以姦爲最重故其處治爲最嚴如酋首之嬪有
與散夷姦者廉知之卽以弓弦縊死其嬪矣凡姦夫
之父兄弟止存一人餘盡置之死若妻女若帳房

諸畜產之類盡給之各散夷所謂赤族之禍不過是也若散夷中有姦其嬖者唯以姦夫置之死如姦夫預知而逃避者則稟其酋長罰畜產以七九之數其有因姦而私相奔逃者被護則持其嬖以歸而姦夫之罰亦如之至於姦其室女者父母獲之則痛責其姦夫送至夫家俟其死如夫家置之則止不然則罰以九九之數若貧不足以九九者則盡以其妻奴足之若竊其女而逃奔他所者獲則罰亦如之且罰其女之父母以七九若父母有不知情者必令之誓然

夷俗記

四

後怨之至若叔伯兄弟之姦干係倫理者反置之不問間有處置亦不至於太甚若稍疎者亦畧有罰而已大抵夷俗治姦嚴於疎而恕於親也

治盜

夫治盜之法曩時有盜若牛羊駝馬者止罰七九或三九之數耳今新法一行且剗其目斷其手仍罰一丸之數卽盜一馬之尾法猶截一指也至畜產走失有收獲者酋首知之雖二三年外備令人執旗徧部落中訪之自首者則恕如隱昧不自其事事發仍剗

其口斷其手何其慘也惟外甥盜母舅之物則置之不問卽姦其舅母亦無呵責之者此又何縱也奴盜主財既斷一指矣且罰及得財者計畜之牝牡而重輕其罰大抵得牝者罰六九得牡者罰三九也盜戰其則罰三九盜田禾則未收者三九已收者六九也盜爲途人所獲則盡以所盜之物給之貴其能獲盜也彼酷於治盜如是或一道乎

聽訟

夷人雜居沙漠喜則如馬之交頸相靡怒則分背相

夷俗記

五

異而其處分亦無定律如兩台吉不和虜王則令聚台吉理其曲直曲者則罰牛羊以千計駝以百計如散夷不和則處置其富者先奉以羊酒然後訴其事曲直已分則令曲者爲直者奉酒次日直者亦還敬遂相懽如故也如甚曲者則罰罰不過牛羊數頭卽坐於曲者名下以供賞賚之資其有致人於死者則殺其人以抵命其人已逃則盡掠其家財男女而後止若兩嬖相爭至於傷命酋長必先詰之曰汝之致死彼嬖汝意欲謀嫁彼夫耶其嬖誓曰無遂以此婦

與死嬾之夫矣夷中奴僕多漢人及別夷之被掠者爲之卽其子若孫亦世世無改易也若有智勇藝能之人間若有令之管事儼然亦酋首矣此而爲人所殺則罪與殺真夷者同科若奴有殺死真夷者非惟殺其奴以償命且併其財產一空至於奴爲夷人所殺不過罰牛羊以給其主耳若奴僕新來爲人所殺又不過罰羊一隻以給其主耳何簿奴僕若爾若曰此奴非我族類故不甚惜之乎是以被掠之人往往南冠而越

夷俗記

險殆爲此哉

葬埋

夷病不服藥其所從來矣近欵貢以來每賜之醫藥冀起其罷弊頗連而安全之然藥亦多不驗者何也蓋諸戎以曠野爲性飲食衣服不與華同故張脈憤與外強中乾往往天促其天年鮮能以壽終者良有以也乃其葬埋之禮則尤可異焉初虜王與台吉之死也亦畧有棺木之具併其生平衣服甲冑之類俱埋於深僻莽蒼之野死之日盡殺其所愛僕妾良馬

如秦穆殉葬之意昔有盜及塚中所埋衣甲及塚外馬肉併一草一木者獲卽置之死子女盡入爲奴而資財無論矣卽盜散夷之塚者亦罰九九之數故每於他所別立一帳令人守之且揚言曰此某王某台吉之塚也儻亦效曹瞞之餘智乎俗無三年之喪唯於七日內自妻子至所部諸夷皆忝其姑姑帽頂而已七日外復如故也今奉貢惟謹信佛甚專諸俗雖仍其舊獨葬埋殺傷之慘頗改易焉蓋西方之僧彼號曰喇嘛者效以火葬之法凡死者盡以火焚之拾

夷俗記

八

七

其餘儘爲細末和以泥塑爲小像像外以金或銀裝之置之廟中近年大興廟宇名喇嘛誦經四十九日雖部落中諸夷亦召喇嘛誦經至七日而止盡以死者所愛良馬衣甲爲喇嘛謝凡四方來吊者與所部諸夷來吊者俱有牛馬賻葬則俱以謝喇嘛其所愛幸之人雖不盡殺但自生母以外仍爲子所收子死父則振甲持刀向門三砍仍收其媳惟此淫俗固佛教所不能變者若其像則雖傳至久遠亦供俸之而莫敢毀也夫像教之設肇於西方流於北土化悍厲爲

仁慈於王化豈曰小補之哉

崇佛

夷俗強悍不可化誨久矣比款貢以來頗尚佛教其幕中居恒祀一佛像飲食必祭出入必拜富者每特廟祀之請僧誦經俵香贍拜無日不然也所得市銀皆以鑄佛鑄浮圖自虜王以下至諸夷見佛見喇嘛無不五拜五叩首者喇嘛唯以左手摩其頂而已且無論男女老幼亦往往手念珠而不釋也又有以金銀爲小盒高可二三寸許藏經其中佩之左腋下卽

夷俗記

六

八

坐卧寢食不釋也裝俺答在時往西迎佛得達賴喇嘛歸事之甚謹達賴每指今松木台吉所居曰此地數年後有佛出焉後達賴喇嘛卒不一年至萬曆十六年松木之妻孕矣孕當在腹中有聲衆僧曰此當客生佛比產時兒果自言曰我前達賴喇嘛也衆僧曰此真向者達賴復生矣達賴生時乘馬念珠及經一冊順義王西還以此數者示兒兒果曰此我之馬也於諸品物中獨取念珠與經曰此我之故物也且時時作西方語惟僧能解之甫三四歲時言禍福亦輒

應夷人聞之於是千里羸糧而覓謁之者日相望於門也咸號曰小活佛上其事以聞萬曆二十年奉聖旨陞松木之子爲孕兒只昌異其事也以故夷人愈益崇佛不倦而喇嘛之在虜中者我歲有所賜以獎異之松木台吉常居上谷西北今順義王之親弟其子曰虎督度年可七八齡云

待賓

夷人應酬禮節無所謂揖遜謙讓之儀其在幕中賓坐於西北隅主坐於東北隅賓之從者卽列于西北

夷俗記

六

九

之下五之從者卽列於東北之下皆跌跏箕踞不倚不席也主人待之仍飲以乳以茶以酥油次則酒肉之類賓主食畢卽以其餘者犒從群然聚食於一幕而主僕不分也又有生乎不相知識或貧或倨不必卑辭哀請直入其幕而坐之主人食卽以其食剖而分之以故行人過客往往望屋而食雖適千里者奚必三月聚糧哉亦有貧夷食寡恐人之分其食也輒暮夜傳食晨起摩食若候至日中則食雖甚寡亦必均分而無吝矣執意狃如狼貪如羊者乃能軫憫儀

之念若此乎

尊師

彼文無詩書字非六體鳥有所謂師然就其能書者名曰榜什此師也學書者名曰捨畢此弟也捨畢之從榜什學也初則持羊酒行叩首禮後雖日見日叩其首必至書寫已成然後謝以一白馬一白衣衣或布或段惟隨貧富製之無定數也夷人能書則隨酋首往來列於諸夷上一等以故夷中最敬榜什亦有侮慢榜什者罰馬一匹以給之往者各部落中榜什

夷俗記

不過數人近以奉貢崇佛榜什頗為殷眾往者皆用板或以皮近欸貢來每給以紙筆之具但紙以供表章至學書者仍以板板之制如我水牌而甚脆且書甚遲鈍不能搨管祇以草管代之其字形長而直體雖草而有似于篆故不可究詰云

耕胤

論者咸曰夷人肉食不藿食也又曰不火食也此在上古或然耳今觀諸夷耕種與我塞下不甚相遠其耕具有牛有犁其種子有麥有穀有豆有黍此等傳

來已非始於近日惟瓜瓠茄芥葱韭之類則自款貢以來種種俱備但有耕種惟藉天不藉人春種秋斂廣種薄收不能胼胝作勞以倍其入所謂耕而肉莽亦肉莽報子者非耶且也腴田沃壤千里得蒼厥草惟人厥木惟喬不似我塞以內山童川滌邈焉不毛也倘能深耕溉種其倍入又當何如彼中松柏連抱無所用之我邊氓咸取給焉則互市之開其於材木不可勝用矣若夫射獵雖夷人之常業哉然亦頗知愛惜生長之道故春不合圍夏不群蒐惟三五為

夷俗記

朋十數為黨小小裝取以充饑虛而已及至秋風初起寒草盡枯弓勁馬強獸肥隼擊虜酋下令大會蹄林千騎雷動萬馬雲翔較獵陰山十旬不返積蹶若丘陵數眾以均分此不易之定規也然亦有首從之別如一獸之獲其皮毛蹄角以頒首射旌其能也肉則瓜分同其利也其亡矢遺簇無人竊匿恐罹重罰其控弦鳴鏑快傷本夷以致於死者惟償以一奴或償一駝不然則償馬二匹而已即陣中亦依此例但不入故殺之科也

食用

夷人雖知火食然亦粗穢之甚矣其食肉類皆半熟以牛熟者耐饑且養人也肉之汁卽以煮粥又以烹茶茶肉味相反彼亦不忌也有曰爲米有磨爲麵麵和以乳而不知烹調之法也酒之名太多大抵以乳爲之厚者飲數盃卽酩酊矣盛以皮囊名曰殼殼蓋賜夷滑稽之遺製也雖肉食然客至未嘗特牛款之也雖穀食然終肉氣勝食氣也其性耐饑卽食一脔彈飲水一升可度二三日也又耐寒冬夜卧雪中縮

夷俗記

一六

一一

其手足卽雪厚數尺不言凍也食無箸以手舉之亦無碗以木盆盛之今諸夷以籠製木碗木杓矣酋首則以銀爲之其笠帳房門必異向卧亦西首今受胡僧之約已南其門矣但西首而卧雖草野露宿終不改易也散夷仍卧於地不設床榻冬氣寒肅卽犬與羊俱蟠遊於卧前人畜不分也其鼎釜食具人食畢卽縱犬舐之腥穢不避也所謂犬羊之群豈虛語哉若其酋首則近口設有床榻矣僅高尺餘壇廡厚數寸食最喜甘衣最喜錦則糖餈錦繡之賞亦五餌之

所不廢者乎

帽衣

夫被髮左衽夷俗也今觀諸夷皆祝髮而右衽矣其人自幼至老髮皆削去獨存腦後寸許爲一小辮餘髮稍長卽剪之惟冬月不剪貴其煖也莊生所稱窮髮之北非此類耶若嬾女自初生時業已留髮長則爲小辮十數披於前後左右必待嫁時見公姑方分爲二辮末則結爲二椎垂於兩耳耳亦穿小孔貫以金鑰銀環亦以朱粉爲飾但施朱則太赤施粉則太

夷俗記

一六

一一

白不似我中國之適均也其帽如我大帽而製特小僅可以覆額又其小者止可以覆頂俱以索繫之頂下其帽之簷甚窄帽之頂贅以朱英帽之前贅以銀佛製以璵或以皮或以麥草爲辮透而成之如南方農人之麥笠然此男女所同冠者凡衣無論貴賤皆窄其袖袖束於手不能容一指其拳恒在外甚寒則縮其手而伸其袖袖之製促爲細摺摺皆成對而不亂膝以下可尺許則爲小辮積以虎豹水獺貂鼠海獺諸皮爲緣緣以虎豹不沾草也緣以水獺不漸露

也緣以貂鼠海獺爲美觀也衣以皮爲之近奉貢惟
謹我恒賜之金段文綺故其部夷亦或有衣錦服繡
者其首首愈以爲榮也又別有一製圍於肩背名曰
賈哈銳其兩隅其式如箕左右垂於兩肩必以錦貂
爲之其衷衣甚窄以繩准其腰而服之不以帶束也
女不爲弓鞋與男俱靴靴之底甚薄便於騎乘也雖
甚富不以二衣更代自新製時輒服之至於脩弊亦
不補也雖極佳麗不一二日則垢垢亦不浣也非惟
垢垢不浣卽其夫終日垢其面經年垢其體故其腥

夷俗記

六

十四

膾不可聞殆積垢所致哉人言虜多受制於嬾非其
婦性獨悍夫亦有所挾耳凡衣服冠履一切巨細之
事皆出其手夫自持弓射獵外一無所事事也平則
司牝雞之晨怒則肆獅子之吼功多而驕勞多則放
勢固然也

敬上

夷俗所設汰令或苛急而過猛或懈弛而太寬雖失
競練剛柔之中乃其敬其上命亦有可紀者凡命下
之日有抗違不奉行者輒罰千馬百駝雖台吉在所

也凡所過地方俱有應付馬匹如我驛遞若奉
差人員至有抗違不應付者輒罰牛羊五頭首首之
門今已南向若王子及台吉人俱必由門之西其散
夷由門之東有由中直入者輒褫衣其衣且罰其乘
來之馬若婦之入見翁姑亦必由門之東見則叩首
退則仍面其上逆行必出至門外始轉身願行不然
懼背尊不敬也詣夷之來謁見也馬必遠繫他所繫
近幕下者亦罰其乘來之馬至若毀馬酋首凡聽聞
者人人皆得殺之如逃不能護則盡其牛羊馬駝而

夷俗記

六

十五

沒之矣近奉佛教或有疾病輒召僧誦經祈禱台吉
爲虜王禱諸夷爲台吉禱其敬上勤懇如此

禁忌

夷人原不知機祥之說其所最忌者無過於痘瘡凡
患痘瘡無論父母兄弟妻子俱一切避匿不相見調
護則付之漢人如無漢人則以食物付之他所令患
痘者自取之也至若夫妻之患痘也必俟聞雷聲然
後相聚不聞雷聲則終年避匿如路人然其地寒患
痘者少視內地若火宅不肯久留慮患痘也近奉佛

教禁忌猶甚凡事皆守僧之戒毫不敢違一舉動僧曰不吉則戶限不敢越也一接見僧曰不吉則人罕親其面也其俗無曆以明時惟記月之十二圓缺為歲記日之三十出沒為月然每月必以初一初十五為上吉也是日也出行皆利刑罰盡弛其餘若上元中秋端午重九除夕元旦之節盡憚然不知慶賀不舉矣俗有卜筮不與我同有持羊膊骨火灼之以驗吉凶者有以上弦之弓用兩指平舉之口念一呪俟弓微動而知吉凶者有以衣領口袋諸器具向內

夷俗記

六

十六

為吉向外為不祥者又有以所食之物藏於懷納於靴取以與人人以為吉若頂於首盛以袖人即忌而不食者又有天陰雷鳴震死頭畜為大不祥則以酒食饌之立二竿為門驅群畜從中走者則吉雷之稍旁出則凶令眾搶之去者虜雖蠢然而亦知禁忌如此

牧養

夷人畜產惟牛羊犬馬駱駝而已其愛惜之勤視南人之愛惜田禾尤甚其愛惜良馬視愛惜他畜尤甚

一良馬即不吝三四馬易之得之則旦視而暮撫為珍重更無以加出人不可騎置蓄其力以為射獵戰陣所需而已凡馬至秋高則甚肥此而急馳之不三舍而馬斃矣以其膻未實也於是擇其尤良者加以控馬之方每日步馬二三十里俟其微汗則繫其前足不令之跳踴躑躅也促其銜轡不令之飲水訖草也每日午後控之至晚或晚控之至黎明始散之牧場中至次日又復如是控之至三五日或八九日則馬之脂膏皆凝聚於脊其腹小而堅其背大

夷俗記

六

十七

而實向之青草虛膻至此背堅實凝聚即盡力奔走而氣不喘即經陣七八日不足水草而力不竭我中國不知控馬之方往往乘肥馬以涉遠道則馬之死者十而九矣故馬不在肥在實相馬以肥則騏驥不御有以也且其人平日間緩步以馬急馳以馬射獵以馬故周旋熟而整控精我中國人能如是乎即有從馬上弄弓矢者亦月不數次此所以人馬不相得而馳驟不如意與乘異產無異也虜酒多取馬乳為之故馬之孔人與駒而分食彼且曰我分其乳

則駒食乳多至冬月不耐寒此亦曲爲之說耳若駒以全乳食之我想其騰駭更數倍也大抵馬之駒牛之犢羊之羔每一年一產產於春月者爲佳羊有一年再產者然後羔多有倒損之患故牧羊者每於春夏時以鹽片裹羔羊之腹防其與牝羊交接也馬乳初取者太甘不可食越二三日則太酸不可食惟取之以造酒其酒與我燒酒無異始以乳燒之次以酒燒之如此至三四次則酒味最厚非奉上敬賓不輕飲也牛羊之乳凡爲酥爲酪爲餅皆取給焉取牛乳

夷俗記

十八

則侯犢能乾草遂隔別之日取其乳至夜始令母子相聚也取羊乳亦俟羔能乾草驅至他所將牝羊每兩隻其頭相對束縛之使不動人從羊尾後取之取畢始解其束縛令母子相聚也其取羊毛則歲取二次或三次積其毛若干則合鄰家之類聚而爲瓊彼此交作不數日而瓊畢成駱駝則二年一產力能任重每藉以負載行裝故虜貴駝也犬不甚大而其性更靈收則藉以守獵則藉以逐有獸被矢而禿者犬追之不獲不止其發縱指示動如人意故虜貴犬也

虜以牧養爲生諸畜皆其所甚重然有窮夷來投或別夷來降此部中人必給以牛羊牧之至於孳生已廣其人已富則還其所給似亦知恤貧也若鷓豚鵝鴨皆其所無惟板升諸夷稍有之野產之物若黃羊盤羊野豬野牛野馬野駝野鹿之類皆不可馴致惟大獵時則能獲之皆在極東極西極北三處最爲繁劇處宜大邊外之地所產不多蓋彼三處地廣人稀食之者寡而宜大以外恒聚數十萬虜於此此正江河不能實漏卮所產安能供所食哉故虜以潼酪謀

夷俗記

十九

其旦夕也

習尚

夷性椎魯木彊自服食器用之外不貴異物賤用物固其習俗然也乃今尤趨華靡哉其酋長類佚樂無所事事惟耽于壺觴溺于妖冶拍胡笳以誼雜合絲肉而嗶嗶荒淫沉酒更復何營其嬾女雖不甚佳麗然最務藻飾間亦工於刺綉故胭脂粉針線所最好也但其長乳垂至腹下時當拮据兒輒從腋後索而食之此豈生成亦從馬上得之耳其俗不競富貴不戚

貧賤雖家無升斗處之屢如最敬者爲實不欺最喜者膽力出衆其最重者然諾其最憚者盟誓僞則不誓一誓死不渝也最好弓弓有經十餘年不壞者最好刀刀之制與我無異然惟尙犀利不尙光明也最好盔甲制極精堅卽無戰陣猶時時拂拭也又最好犬馬犬馬之良者愛之甚於愛人行時不畏鬼神近甚敬佛嘗特建廟宇乞買丹青爲莊嚴之故也其衣服鞍轡惟嬾女爲最華若其丈夫雖弊衣垢面往來親友家不顧也其人之體貌不甚魁梧面亦有哲白

夷俗記

二十

可愛者但其首微扁而短其肩橫潤其睛白者多而黑者微黃其鬚黃而赤其言語多喉舌音而不清輕其歌唱亦多喉唇音而不響亮近雖貴金紫之飾悅錦綉之文甘茶糖之味若夫珍禽奇獸翡翠明璫可以快耳目周爨商曲處絃孔碑可以供清玩彼不知尙也雖非渾渾噩噩之民猶有狃狃慕慕之俗此上聖所不能懷者今何幸就我戎索哉

夷俗考卷下

秦安蕭大亨

教戰

世人間匈奴之長技三歲曰此誠不可當不知彼非有他謬巧亦習慣若自然乎史載匈奴兒十五卽騎羊射鼠李詩亦云胡兒十歲能騎馬豈虛語哉今觀胡兒五六歲時卽教之乘馬其鞍以木爲之前後左右皆高五六寸置兒於中雖馬逸亦無傾跳之患也稍長則教之蟠鞍超乘彎弧鳴鏑又教之上馬則追

夷俗記

二十一

狐逐兔下馬則控拳擘張少而習焉長而精焉不見異物而遷焉無非比勇角力之事也又稍長則以射獵爲業晨而出晚而歸所獲禽獸夫既食其肉而寢處其皮矣且射騎於此益精也及至勇力出衆衆甚重之雖虜王台吉恒解衣衣之推食食之卽勇力者或終其臂而奪之食虜王台吉亦懼然不以爲怪也其馬每至秋高則肥肥則不堪道遠彼有控馬之方故馬不虛肥其臆皆實卽日行數百里經陣七八日馬猶如故也弓以柔榆爲榦角取諸野牛黃羊膠以

鹿皮爲之體制長而弱非若六鈞三石之強也矢以
柳木爲之籠而大鏃以鐵爲之有濶二寸或三四寸
者有似釘者有似鑿者然陣中人不數矢矢不虛發
也弦以皮條爲之籠而耐久也其弓弱其矢強發之
極滿至三三十步發之輒洞甲貫胸百不一失但不
能射於五十步之外甲冑以鐵爲之或明或暗刺與
中國同最爲堅固矢不能入徒雖如也說者謂虜無
鐵有鐵皆自互市中所闡出者不知未市之先歲所
擄掠者不知其幾庚戌之犯其鐵馬金戈明光耀目

夷俗記

六

二十三

夫豈裸體來哉特彼中少鐵故貴鐵貴鐵故精於鐵
非若我之多而濫惡也矢則人人能爲之惟弓有弓
人函有函人弓人函人皆我中行說爲之也陣中有
鈎鎗柄長五六尺鎗刃長數寸刃後有鈎可以刺可
以挽也有鈎杆可緣以登城也有弩專以射牲戰則
不用也無金鼓惟有窟栗以木爲之制如我銅號頭
而甚長吹之以合衆其聲聞更遠也無旌旗惟虜王
及台吉則有坐纛與師振旅皆知祭纛出行無導從
服飾無等級行如鴈行人亦莫知誰爲王誰爲台吉

也夫自幼至長惟力是恃自上至下惟力是愛此所
以從古爲中國患乎

戰陣

夫虜之犯順也其小人零竊則無如我何獨糾衆大
舉則往往得志忝嘗聞虜之大舉也不締盟與國則
藉援婚姻合羣虜而部署之輒逾數月始則虜王令
人持三尺之挺晝夜兼程論諸部約以某月某日集
於幕中敢有愆期者必羅重罰至期諸部果畢至至
則逆逐左右不令與聞獨召各酋長人幕議所掠事

夷俗記

六

二十三

議畢仍令散歸各部備弓矢甲冑及牲畜若干以充
軍需至某日會於某所敢有愆期不畢會者仍羅重
罰至期諸部又畢至虜所重者坐纛也其虜王之纛
列之於中諸酋之纛則橫列如鴈行大會群夷於纛
下是日殺牲致祭俱南面叩首祈神之祐祭畢大享
群夷誓師啓行先議所犯之處猶不令衆知也如欲
犯東且西行三舍或五舍至塞垣下乃翻然東向日
惟子馬首是瞻遂疾驅將入塞則先營老弱以守軍
需令輕騎數百或數千持鋤荷鍤潰垣而入比精銳

者或伏於寨內令數十騎且前且却以誘我我烽堠始舉狼烟以傳寇至我師躬擐甲胄介馬而馳而所伏之精銳固以逸待我我不知也遂入其伏而敗師者有之矣或深入我內地三四百里如迅雷或散掠我墩堡遠反大巢如脫兔望之則彌山徧野敵之則左詘右支往往以應接不暇顧此失彼而敗者有之矣或合衆虜頓之堅城之下酋首親臨陣中四面攻圍各有分地令勇悍不別生死者以鉤緣城次則持刀繼之旁皆引滿鎗上向以銜緣城者我師從城上

夷俗記

入

二十五

以蘭石繫緣城者而引滿者輒一發若射隼於高樹中則我師不無少衄而城下之虜鬻粟齊鳥呼聲動地遂蟻附肉薄而登而城陷矣此皆將帥寡籌偵探不的之過也倘有明哨以探虜情而預知所議之事有暗哨以探虜形而預知所犯之鄉則委利垂餌可以邀其情堅壁清野可以老其師輕騎出塞擄其老弱可以使虜內顧而速其旋由此觀之安邊境立功名是在良將不可不擇也及虜既歸仍以蠶豎之如前將所獲一人生東之斬於纛下然後會衆論功辟

夷上所鹵獲於群酋而莫之敢匿群酋上所鹵獲於虜王而莫之敢匿虜王得若干餘以頒群酋群酋得若干餘以頒群夷功輕者陞爲把都兒打兒漢功重者陞爲威靜打兒漢再重者陞爲骨印打兒漢最爲首功則陞至威打兒漢而止凡兩陣相對我營爲方陣四面外向以應敵虜亦以陣當我度其勢均猶萬馬齊驅直蹂我陣稍弱則旁擊分掠隨所欲往矣其陣中有持鈞鎗者前可刺而却可挽也右則發弓以待左則握刃以須每三人爲隊長短相雜也虜不能

夷俗記

入

二十五

下馬地鬪故一人恒備三馬五馬多則入九馬者倘有一人折馬衆必以餘馬載之不然酋首必重其罰也有被創者危在呼吸衆必捐軀以援之援一台吉台吉則敬如父母歸則盡以所愛衣甲良馬與之矣援一散夷散夷亦敬如父母歸則盡分以資財且世世德其人而不忍忘矣然此援人者惟欲稱雄虜中爲名高不爲厚利也論者咸曰虜猛甚不可當也不知虜豈虎而翼飛而食人哉蓋酋長之於群夷也獲則同其利群夷之於黨伍也危則同其害利害相

同千人一志奚俟三令五申然後蹈白刃赴湯火哉
今我中國恣令敢私鹵獲一介平被危者肯越伍相
援乎卽勇而直前首級不及格肯論功乎局將若較
下駒視卒如秦越人其數不勝也倘有豪傑之士破
其町畦解此拘繫棄我所短習虜所長而曰陰山不
可掃賀蘭不可登吾不信也

貢市

元自崇禮侯後潛居應昌不再傳被弑者五維時瓦
剌稱強小王子之勢又浸盛元之苗裔不絕如纒今

夷俗記

六

二十六

順義王固小王子之苗裔哉乃小王子及瓦剌未知
其爲元苗裔否也小王子之子曰反顏罕者生子十
一人吉囊俺答老把都其第三子之子也視他子最
爲雄悍所傳嗣視他子特爲繁衍吉囊居當河西地
最饒佚樂所鹵忻代女樂日夜縱淫病穢竭死俗各
老把都居當上谷地最瘠計畫無所之遂標爲寇
其子辛克都隆偏臂善用兵以故父子數寇寇邊無
已我逆黨絕全等又從而傳其翼鋒甚銳歲殺邊氓
無算亡何而那吉叩關降那吉者俺答之孽孫也俺

答有所私寵而那吉忿故來降俺答怒欲以兵索之
先總督王襄毅公崇古巡撫方金湖公逢時使人謂
之曰兵來則那吉不生還矣執趙全等以贖乎俺答
首肯之因就幕中議事遂擒八逆以獻皆撫上其事
以聞因許通貢互市不絕賜金印封俺答爲順義王
其餘封爵各有等今順義王傳三世矣歲貢馬若干
市馬若干欵賞若干咸有定額不載吉囊貢市不隸
宣大不載宣大所市凡五區宣府之張家口則青把
都所部市焉大同之守口堡得勝堡新平堡山西之

夷俗記

六

二十七

水泉營則順義王所部市焉論者謂互市如養寇然
不市則戰戰則有死亡之慘而資財無足論卽戰勝
則有犒賚之費而物故未必無絕互市以博犒賚矜
犒賚而忘物故視今塞下耕耘樂業畚插成功爲孰
得哉然欵不可恃乘欵而修金湯乘欵而致堅利乘
欵而實三氣是許欵之初意也我有戰之具我操欵
之權則欵可也戰可也是制虜之微意也措之邊防
未有不能戰而能欵者按之虜情本有不喜欵而喜
戰者願欵有欵之時戰有戰之會若持投會乃得之

